

## BAKIOKO BARRIAK

### Gazte Txartelaren inguruko VIII. kanpaina

Eusko Jaurlaritzak eta udal onek sinatutako itzarmenari esker, bakiotar gazteok aukera ezin ohea dozue aurreko zezeilaren 22tik Gazte Txartela barria eskuratu ahal izateko. Europako 26 errialdean eta estatuko autonomia erkidego guztietan omologatua izan dan txartel au aurrezki kutxetan eskuratu ahal izango dabe 14 urtetik 25 urtera bitarteko gazte guztiak. Txartelak eskaintzen dauazan abantailak naiko anditu dira azken gidan batutako 800 eskaintza barriei esker. Beraz, orren jakitun egon gura izanez gero, gida Kultur Etxean jaso ahal izango dozue.

Ostalaritzako 13 profesionari barri

Igazko urriaren bigarren amabostaldian ostalaritzako laguntzailea izateko asitako ikastaroa emendik gitxira amaituko da, egitarauan ezarritako 750 orduak bete aginean dagoz eta. Diziplina askoko prestakuntza mota au geienbat 5 arloren inguruan bideratu da: sukaldaritzako oinarritzako prestakuntza, sutean laguntzeko zereginak bete ahal izateko; zerbitzari modura jana eta edana zerbitzatzeko; tabernako barran jarduteko trebezia eskuratzea, tabernari bateri jagokozan zereginak betetzeko gaitasuna lortuz; otel baten nondik-norakoak zeintzuk diran jakitea, berbarako bezeroei egin bearreko arrera, geletako zerbitzua...; enpresak kudeatzeko omarrizko kontzeptuak, nor bere proiektuak bideratzeko gauza izan

daiten. Oinarritzako prestakuntza oneri esker, daborduko ikasleentzako bik lortu dabe bear egiteko kontratua eta, ganera, ikastaroa amaitukeran kontuan artu bearreko ainbat eskaintza izan dira. Era berean, Longarai ostetetxearen egokitzapen obrei bereala ekingo jakela aurreikusita dago; izan be, uda asikeran oteleko enpresa jarduera bateri oratzeko asmoa dago oilegitura au erabilita.

### Jakien erabiltzailea izateko agiria bear-bearrezkoa ostalaritzan

Ostalaritzan jakien erabiltzaile agiria egiazatzeko bearri-zanaren inguruko proposamen bateri erantzunez, Bakioko Udalak erabagi eban ori lortzeko asmoa dauken interesatuei deialdia zabaltzea. Orretarako, oso kontuan artu zan arlo turistikorako zein garrantzitsua dan Bakioko ostalaritza benetakako profesionariez ornitzea. Alan bada, iru eguneko ikastaro au bideratu guran Eusko Jaurlaritzako Osasun Sailagaz artuemonetan paratu ostean, maila 2 bereizi bear zirala jakinarazo euskuen: bata, jakiakaz zuzeneko lotura euki ez, baina ostalaritzako arloan, oilotegietan, merkataritzan, txosnetan... bear egiten dabenei zuzendutakoa; bestea, jakiak beren beregi erabilten dabenez zuzendutakoa (suteko laguntzaile eta buruei zein gozogintzako edo pintxoetako espezialistei... zuzendutakoa). Azkenik, esan bearra dago ikastaroari arrera ezin ohea emon eta makina bat pertsonak artu dauala parte.

### Arrera ezin ohea sastarrak erreziklitzeko egitasmoari

Bakioko Udalak zabaldutako informazinoren bitartez, bakiotarren artean interes andia sortu da erabili eta botatzeko produktuak obeto bereizi eta, orren ostean, erreziklitzeko.

Aldundiari erreziklatu bearreko materiala banatzeko 200 poltsen ganean egindako eskaerari jagokonez, aitatu bearra dago eskari kopuruak aurreikuspen guztiak gainditu dauazala; izan be, leenengo 3 asteetan guztira 105 pakete banandu dira.

### Nekazaritzaren inguruko ikastaroa

"Bakioko nekazaritza arloa bizibarritzeko pr estakuntza ikastaroaren saio teorikoak, zezeilaren 3an amaitu eta gero, saio praktikoei ekin deutse beste erri batzuetan izan diran esperientziak ezagutzeko. Ikastaroaren elburua azaltzea izan da zeintzuk diran tradiziozko baserriak euki daikezan alternatibak, bai eta, edozein jarduerari oratzeko zeintzuk diran emon bearreko urratsak be, kasu baterako, jarduera barria sortaearen inguruko aaterketa eta ikerketa, baKotxak edo erakunde baten aholkulariei esker egin bearreko bideragarritasun plangintza eta abar. Beraz, une onetan emen azaldutako jardueretarik bat edo nekazaritzako beste edozein aukeratu bearke litzateke; izan be, korporazioa prest egongo litzateke aukera ori egiten dabenei laguntzinoa emoteko, bai erakunde aurkeztu bearreko dokumentazinoei jagokonez, bai ideia bear lez azurmamitukeran, bai orren inguruko bideragarritasun plangintza eginkeran.

### "P" eremua, jarduera ekonomikoak bultzatzeko gunea Artalde auzoan

Une onetan indarrean diran arau subsidiarioek gune bi zeazten dabez industri jarduerak instalatu ahal izateko. Orretarik bat "P" izkiaren bitartez identifikatuta dago Artalde auzoan. Industrialdea, laguntza tailerrak edo beste jarduera ekonomiko batzuk kokatzeko esparruak prestatu guran, udalak "P" eremua martxan ipintea erabagi dau, orretarako, une onetan jendaurrean dagoan bearrezko plan partziala burutu eta oneritxia emon deuto urtarilaren 28ko osoko bilkuran. Eremu orrek 31.959 m.<sup>2</sup>ko azalera artuko dau, modu onetara banatua: 19.184 m.<sup>2</sup> industri eremurako, 4.627 utsarteetarako, 1.222 merkataritza zein gizarte ekipamendurako, 667 berdeguneetarako eta 5.012 errepide eta ginezkoen pasabideetarako. Industrialde onetan, bada, era guztietako jarduerak ipini ahal izango dira martxan.

ZIDURI

### ERAKUSKETEAK

Zezeilaren 2tik 16ra, Kultur Etxeko Erakusketa-gelan, argazki erakusketea euki genduan. Egileek, Jose Ignacio Lobo eta Raul Guerra, Euskalerriko ainbat txoko erakutsi euskuezan zuri-baltzez egindako argazkietan.

### TXONTXONGILO SAIOA

Aratosteetan, zezeilaren 12an, urrengo egitaraudun jaia ospatu eben erriko eskolan:

15:00etan, umeek prestatutako antzezlanak.

16:00etan, txokolatadea eta erromeri txikia.

17:30etan, BIHAR taldeak "Baleak salba ditzagun" saioa eskaini eban oktogonoan.

INIAKI MARTIARTU